

مجموعه فنون

۱۸

جمعیت علمیه عثمانیه

برنجی پنه

ربیع الآخر

نومرو ۴

استانبول

وزیر خاتمه ارزنجانی اوغلو آرتین مناسیان مطبعه سنده

طبع اولمشد

۱۳۷۹

اوطه نك طوانه طوغرى صعود وانك يرينه بالاده كى هواى غير مخلخل
 ورود ايدر . بو دخی كسب حرارت ايدرك كذاك لطافتى حسبيله
 مخلدن طرد اولنوب يرينه اندن صغوق بولنان هواكلور . وبو وجهله
 دائما اوطه نك طرف بالاسى سائر مخلدن زياده صيحاك بولور .
 حرارتك درجات مختلفه سنى تعيين ضمننده حكما ييك التوز سنه
 ميلاديه سنه بر آلت اختراع ايلشردر كه ميزان الحراره نسميه اولور .
 اشبو آلت اسطوانه شكلنده اينجه بسوردن معمول بر بورى اولوب
 اينجه زيبقى وارد و درجات متعدديه منقسم اولوب زير و بالاده
 اولان نهايت درجه لى نهايت برودتى و نهايت حرارتى كوسترر .
 سانتىقراد و رنومور و فرانهايت اسمليه مسمى اوچ جنس ميزان الحراره
 اولوب برنجيسى يوز و ايكنجيسى سكسان و اوچنجيسى يوز سكسان
 درجه يه منقسمدر . سانتىقراد تعبير اولنان ميزان الحراره ده صويك
 غلبانى درجه سى يوز و رنومور دىنان ميزاندره سكسان درجه اعتبار
 اولنوب صويك انجماده بدئى و ياخود قارك ذوبانى درجه سى دخی صفر
 اعتبار اولنمشدر . فرانهايت ميزانى پك مستعمل دكلدر .

(ادهم)

(بقده سى صكره)

عن اعضاى مجلس والا

(قدمای ملوك مصر يه تاريخى) (مابعد)

سيزو سترىس

سيزو سترىس ميلاددن ييك درت يوز طقسان سنه مقدم تخت
 سلطنت مصر يه جلوس ايلوب شان و شهرت و قوت و قدرتيه كافته
 اسلافه

اسلافه تفوق ایتش بر حکمدار نامدار ایدی . پدری ولادتی کونی خطه مصریده تولد ایتش اولان کافه اطفالی جلب و جمع و سیر و ستریس ایلہ برلکده تعلیم و تربیه دینہ اعشا ایتش و فنون و آداب لازمه دن بشقه مشاق عسکریه به کسب الفت ایلک اوزره کونا کون زور باز قلرو صید و شکار ایلہ اشتغال ایندیر میشیدی . اشته بو جهته سیر و ستریس ایلہ رفقای مذکوره سی بینده اخوت درجه سنده محبت حاصل اولدیغندین مشار الیه جالس مسند حکمرانی اولدقه بونلری وکلالت و خدمات مهمه سائر سنده استخدام ایدوب انلردخی بولندقلری خدمتله ابراز غیرت و استقامت ایتشلردر .

مشار الیه سن بلوغه واصل اولدقه پدری طرفدن مأموراً اردو ایلہ حزیره العربیه عزیمت و اولوقته قدر اورازک قمع و تسخیری ناقابل کبی کورینور ایکن مدت قبله طرفنده ضبط و اسیرلا ایندکدنصکره مصرک جانب غریبسنده واقع بعض ممالکی دخی آورده قبضه تصرف ایتش و عودتنده پدری وفات ایدوب کندوسنه کلی خزائن و اموال ترک ایلشیدی . انجق سیر و ستریسک مدت سلطنتنده مظهر اولدیغی فتوحات و حسن موفقیت یالکز قوه مالیه و عسکریه سنک حد کمالده اولسندن نشأت ایتبوب بلکه اوصاف ممدوحه حقانیت و عدالتله ملتی بینده کسب ایلش اولدیغی حسن صبت و شهرتک ثمره سی بولندیغی بی اشباهدر . کندوسی محارباتده بولندیغی مدتیجه اداره امور مملکتده خلل کلبوب امر زراعت و تجارتک درجه اہمینی یلدیکندن بویاده هر درسو ترغیبات و تشویقات اجرا سندن برآن حال اولز ایدی .

مملکتی اوتوز الی ایالتہ تقسیم ایدوب هر برینه عفت و اہلنی

محرِب والیر نصب ایتمش و قوهٔ عسکریه سی الی یوز یک پیاده و یکرمی درتیک سواری ایله اول زمانده محارباده استعمال اولور یکرمی یدی یک عربیه بالغ اولوب بونلری بروجده محرر حین صباوتنده کند وسیله برلکده تربیه اولنوب جسارت و لیاقتله معروف اولان ذواتدن انتخاب ایلدیکی یک یدی یوز ضابطک تحت اداره سنه وضع ایلمش اولسیله هر نیه تشبث ایلسه کمال سهولتله حصولدیر اولور ایدی .

ابتدای امرده اولوقت ثنبوی دینلان حبش ممالکنی تسخیر ایدوب سنوی بر مقدار قبل دیشی و آنوس و التون اعطا اولمق اوزره ویرگو تعیین و درتیوز پاره تکنه دن عبارت اولان دونماسی بحر احمرده کشت و کذار ایدرک بتون سواحلی دخی اسنیلا ایلدی .

اسیا قطعه سنک اکثر محلا رینی و کاملا هندستانی از مدت ایچنده قبضهٔ تصرفه الوب حتی اولوقت قوپکیر دینلان کورجستانده سیزوستریسدن یک سنه صکره قالمش مصریون نسلندن بر طائفه وار ایدی . مدت مدیده اناطولینک اکثر ممالکنده صاحبقران مشارالیهک آثار فتوحاتی موجود اولوب حتی بعض دیرکیرک اوزرنده ملاک الملوک اولان سیزوستریس بو مملکتی قلیجی ایله فتح و ضبط ایلدی . عباره سی منقوش بولمشدیر . متعاقباً ازمنهٔ سابقده تراکبا دینلان روم ایلی الکاسنی دخی ضبطله اولوقت اوروپانک وحشت حالتده بولمسی جهتله ققخنده بر فائده ملحوظ اولدیغندن طونه نهرندن ایلرو کیتامشدیر . اشبو ضبط ایلدیکی مملکتلری زیر حکومتده بولنان ممالکه الحاق ایتموب بعضیلرینه ویرکو تعیین و بعضیلرینی خب و غارت ایتدکن صکره فتح ممالک شرفله اکثفا ایدرک مصره عودت ایتمش و عساکر و رفقاسنه زیاده سبله مکافات ایدوب برابر کتوردیکی امسال یحسابی امور

امور زراعت و تجارتك تسهیل و ترویجند و اسرایي استخدام ایدرك يك تكلفی عبادتگاهار و سرایلر و سائر ابنیه و آثار جسمیه انشاسنه صرف ایله دیوارلرینه وقوعبولان محارباتك رسملرینی ترسیم ایتدردی .
اشبو آثارك الی یوزها هدا مصرده بعض بقیه سی موجوددر .

مشار الیه ذاباً اخلاق حسنه ایله متصف ابسده حسب البشریه بعض مرتبه غرور و استکباری اولدیغندن ضبط و ویرکویه ربط ایلدیکی ممالك ملوکی اسیر ایدوب حتی بونلردن بر قاجنی بردن اسب یرینه عربه سنه قوشه رق حکمدارانی بو وجهله استخدام ایلکله مقنخر اولور ایدی . مشار الیه حین شیخوخته علت عمایه مبتلا اولوب کدرندن کندو کندوسنی اهلاک ایتش و مدت حکومتی اوتوز اوج سنه ممتد اولمشدر .

اول ائنده مصر بوندن بعض طائفه محال مختلفه هجرت ایدوب سکرویس نام کسبه تابع اولئر یونانستان طرفلرینه کیدوب آننه شهر یله دیگر اونبر شهر بنا ایلمشدر . سیزوستریسک هنگام سلطنتنده یونانیلرک داناوس نسمیه ایدوب اصل اسمی آکره مپس اولان قرنداشی علیهنده ایقاع فساد ایدرك سیز و ستریس دخی درونده بولندیغی حالده سرائی احراق ایتکه باشلا یوب مشار الیه بر تقریب بو تهلکه دن تخلیص کریان ایلدیکندن مذکور داناوس مصر دن فرار و یونانستانه عزیمت ایدرك ارغوسی نام مملکتی ضبط و حکومتی اعلان ایلدی .

بعض تخمیناته کوره سیزوستریس مشهور ذوالقرنین اولوب بو صورته اختلاف اسامی تحریفات السنه دن نشأت ایتش دینه یلور .

بعض مؤرخین اشبوسیروستریسک پوزیرس اسمنده بر عوجه سی اولوب سیزوستریس محاربات ایچون خارجده بولندیغی ائنده مصرده

انواع مظالم و تعديات ارتكاب و حتى اورياه ورود ايدن كافه اجنبىانى
قتل و اعدام ايلديكىنى حكايه ايدرلر .

(بقيه سى صكره) (خليل) (محمد جبل)

سفیر پترسبورغ سفیر پارس

(اوروپا قطعه سى تاريخ و جغرافيا سى) (مابعد)

ميلادك قرن سابعى ابتدا زنده خطه حجازدن اشعه پاش ظهور
اولان انواردين محمدى آز بر وقت ايچنده آسيا و افريقا قطعه لر ينك
اكر محاررى تنور و اسنعباب ايتدك دنصكره اوروپا قطعه سنه دخى
واصل اوله رق اسپانيا كاملا و فرانسه نك برازى اهل اسلامك داخل
قبضه تصرف اولغله اسپانيا ده بر دولت اسلاميه تشكىل ايتش واشبو
دولت التيوز سنه دن متجاوز قطعه مذكوره ده اجراى حكومت و بو
اثناء مدنيت و انسانيتك چوق خدمت ايدرلر مالك نصاب شرف
و اقتدار اولمش ايكن رؤسا سنك اتفاق سزلغى ثمره مضره سى اوله رق
صكره لرى قوتلرينه ضعف كللى طارى اولمش و مجرد تسامح
و قيد سزلقدين ناشى اسپانيا نك بر كوشه سنه كيرلنوب قالمش اولان
خرسنيان دولت ضعيفه سى ايسه بالتدريج كسب قوت و قدرت ايله
اهل اسلامه مقاومت ايلك درجه سنه كلمش اولغله طرفين يئننده
محاربات كشيده وقوعند نصكره خرسنيا نلر غلبه ايدرلر عربلى كاملا
اسپانيا دن اخراج ايله قطعه مذكوره حكومتى كافى السابق خرسنيانه
انتقال ايلشدر .

روسيه و اسويچ و دانمارقه اول وقتك كلنجيه دكين دول معلومه دن